

Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 221. A quo alimentandi & educandi Infantes expositi, quorum
parentes ignorantur? & quid juris aut oneris accrescat ex obligatione vel
charitate expositum assumentibus & educantibus.

[urn:nbn:de:hbz:466:1-73982](#)

illum pro derelicto. *L. fin. ff. pro derelicto.* Idem de servis languidis, dum his expositis, cujuscunque sint ætatis, impie alimenta negantur. Ita ut & hi ipso facto in libertatem & ingenuitatem asserti sui juris efficiantur, nec amplius à Domino dici possint sui, *cit. c. unic. b. t. Gl. ibidem. v. languidis.* Porro dicta constitutio de parentibus negligentibus alimenta filii (intellige de cætero in infantia non expositis) intelligenda, non de filiis etiam valentibus & sanis, sed solum de languentibus & infirmis cujuscunque ætatis, quia gravius delictum est negare is languidis quam sanis alimenta, adeoque pœna ab uno delicto ad levius aliud extendenda non est, & pœna mitius interpretanda. Pith. *in c. unic. b. t. n. 3.* citans Abb. *ibidem. num. 2.* Azor. *p. 2. L. 2. c. 26. q. 1.*

Ques. 221. A quo alimentandi & educandi infantes expositi, quorum parentes ignorantur? & quid juris aut oneris accrescat ex Obligatione vel Charitate expositum assumptibus & educantibus?

Resp. ad Primum: Si in loco, ubi repertus expositus, existant Hospitalia vel Orphanotrophia pro hujusmodi expositis specialiter erecta, in iis recipi, eorumque redditibus ali & educari debent, usque dum idonei ad panem lucrandum evadant. Ubi verò talia loca non existant, nullusque de populo gratis infantem talem educandum suscipere vult, Ecclesia aut Rector illius, vel si ea ad id sufficiens redditus non habet, communitas, in qua expositi reperiuntur, eos alimentare & educare debet; cum redditus Ecclesiastici sint patrimonium Christi & pauperum, Rectores Ecclesiarum tali exposito pauperculo aliis mediis destituto præ aliis de dictis redditibus succurrere teneantur; ita Abb. *in c. unic. b. t. num. 3.* Barb. *ibidem. num. 4.* Surdus de alim. *tit. 1. q. 9.* Reiffenst. *b. t. num. 12.* cum communi. Communitatem quoque deficientibus redditibus Ecclesia ad hoc teneri, patet ex eo, quod omnes & singuli in extrema necessitate constituto teneantur succurrere, adeoque & proportionaliter singula communitatis membra, quin & si communitas id negligat, quilibet adhuc in solidum subvenire tenetur, prout Theologi. Porro suscepctionem & alimentationem infantis expositi subit locus, in quo constat eum natum & baptizatum, si is est Originarius & Domiciliaris, in quo parentes stabilem Sedem habuerunt, prout illuc infantem remitti posse existimat Zypaus *consult. can. ad b. t. num. 7.* apud Wiestn. *b. t. num. 7.* Si verò locus ille non est originarius, sed proles ex matre vagabunda illac transente nata & baptizata, verius existimat Wiestn. *num. 8.* ad illum locum non revertendam prolem, sed in loco expositionis alienam. Vide eundem de hoc pluribus.

Resp. ad Secundum, qui infantem vel languidum suscipit, aut sustentat, nihil propterea juris in ejus personam acquirit. Gonz. *in cit. c. unicum. n. 8.* Tholosan. *L. 11. Syntag. c. 13. n. 3.* Wiestn. *b. t. num. 5.* juxta clarum textum *cit. c. unic. L. San-cimus. c. 20. L. nemini. de Episcopal. aud.* & ex ea ratione, ne infans innocens aliena impietate forte amittat libertatem. AA. *iudeam.* Id tamen juris acquirit suspiciens & educans expositum, ut eidem (exclusis etiam Fisco, parentibus, consanguineis tanquam indignis) ab intestato succedat, si absque descendantibus decedens bona temporalia reliquit quandoque expositus, Surdus de alim. *tit. 16. q.*

18. *num. 19.* & quem pro hoc citat Reiffenst. *n. 18.* Engel. *b. t. num. 4.* Arg. *Novell. 115. c. 3.*

Resp. ad Tertium: Sed neque gravanda sunt refusione expensarum factarum in alimentationem expositi Xenodochia, Orphanotrophia similiaque loca misericordiae & pietatis causâ in hunc finem exstructa & fundata. Azor. *p. 2. Instit. mor. L. 2. c. 26. q. 1.* Pith. *b. t. n. 2.* Idque etiam istiusmodi ibidem sustentati ad statum divitem postmodum devenerint, non secus ac ii, quibus, dum ergerent, data eleemosynâ, illam facti divites non tenentur refundere, quia sustentatio illa fuit opus misericordiae illis tum egentibus absolute impensum. Quod si tamen loca talia cum ea restituzione & intentione fundata, ut non nisi re ipsâ tunc egentes v.g. deficientibus eorum parentibus, aliisque ad hoc obligatis ibidem alerentur, tenebuntur parentes expensas factas ad eos alendos compensare. Pith. *L. c.* Sic quoque Ecclesia ejusque Rector aliquique ad eos alendos obligati expensas repetere non possunt. Pith. *L. c.* Arg. *c. Sacrorum. 12. q. 2.* Quin & si inanti exposito alimenta suppeditata ab aliquo consanguinitate ipsi coniuncto, et si iis ad hoc stricte non obligetur, de quo tamen verisimiliter praesurbitur, praestita fuisse pietatis causa, repeti ea ab illo non possunt, nisi ab initio protestatus fuerit se ea repetiturum. Si verò extraneus ea praestitit, etiamsi protestatus desuper ab initio non fuerit, expensas repeteret potest. Gratian. *desup. for. c. 267. n. 41.* Barb. *in c. unic. b. t. n. 8.* Pith. *L. c.* Reiffenst. *b. t. n. 16.* Arg. *L. 1. c. b. t. & L. patrem. C. de nuptiis.* Et ex ea ratione, quod licet talis actum misericordia erga expositum exercere intenderit, non tamen presumitur nefario patri exponenti filium velle praestare beneficium educando in ejus gratiam filium, quamvis etiam contrarium presumi possit ex circumstantiis & conjecturis, saltem extraneum non voluisse expensas factas refundi sibi, ut si dives, liberalis, & pius sit, Pith. *L. c.* Reiffenst. *n. 17.*

Ques. 222. Utrum infantes expositi, quorum parentes non agnoscantur, habendi sint pro legitimi?

Resp. In hoc non conveniunt AA. Habendos pro illegitimis, censem Covat. *in Clem. si furiosus. p. 1. pr. n. 9.* Garc. *de benef. p. 7. c. 2. à n. 9.* Suan. *de cens. d. 50. s. 4. num. 4.* Vafq. *1. 2. d. 66. c. 8. num. 48.* ex ea ratione, cum quod presumptione fieri debeat ex his, quæ frequentius contingunt, expositi autem frequentius sunt illegitimi, cum etiam, ut Garc. ex centum expositis plures quam nonaginta ex illico concubitu procreati. Tum quod nuptiae consistant in facto, ac proinde nuptias prolemque natam ex his, non presumendum, sed probandum assententi. Ad hæc, qui certum patrem denominare nequeunt (uti nequeunt expositi) sputii dicuntur. *L. vulgo concepit. ff. de statu homin.* Econtra æquius & juris principiis conformius contrarium sententia, Salaf. *1. 2. tr. 8. d. unic. s. 14. num. 246.* Palæst. *de nothis & spur. c. 63. n. 3. & 7.* Menoch. *de præsump. L. 6. q. 54. num. 25.* Gratian. *L. c. c. 35. à num. 31.* Pont. *de matrim. L. 11. c. 6. num. 4.* Barb. *b. t. num. 3.* Gonza. *ibid. num. 8.* Castrop. *tr. 13. d. 4. p. 1. §. 1. n. 9.* Wiestn. *b. t. num. 10.* Reiffenst. *num. 20.* Ex ea ratione quod quandoque legitimi exponantur, ut patet in Moysè, Iyro, Paride, quibus ne prejudicium fiat, omnibus à Jure conceditur. Castrop. *L. c.* Sed neque presumendi illegitimi, esto, expositos frequen-

tius